

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 493779 25 St
Tuzla, 24.03.2026.godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom "ASZ-3" d.o.o. za trgovinu i usluge Tuzla, ul. Maršala Tita broj 169, Tuzla, koga zastupa punomoćnik Mirko Lekić, advokat iz ZAK Amir Omerćehajić&Mirko Lekić, iz Tuzle, nakon provedenog prethodnog stečajnog postupka, dana 24.03.2026. godine donio je

R J E Š E N J E

OTVARA SE stečajni postupak nad imovinom dužnika "ASZ-3" d.o.o. za trgovinu i usluge Tuzla, ul. Maršala Tita broj 169, Tuzla, MBS: 1-12992, JIB: 4209636110001.

Za stečajnog upravnika imenuje se Emir Nuhanović iz Živinica, Priluk br. 65.

ZAKLJUČUJE SE stečajni postupak nad imovinom dužnika "ASZ-3" d.o.o. za trgovinu i usluge Tuzla, ul. Maršala Tita broj 169, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 493779 25 St od 28.10.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika "ASZ-3" d.o.o. za trgovinu i usluge Tuzla, ul. Maršala Tita broj 169, a privremenog stečajnog upravnika imenovan je Emir Nuhanović iz Živinica, Priluk br. 65, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravitelj dostavio je izvještaj o provedenom prethodnom postupku ovom sudu dana 29.12.2025. godine. Iz izvještaja privremenog stečajnog upravnika proizilazi da navedeni privredni subjekt duži vremenski period ne obavlja poslovne aktivnosti, niti raspolaže imovinom koja može pokriti troškove stečajnog postupka, da je društvo imalo samo jednog uposlenika, odnosno direktora društva. Lice ovlašteno za zastupanje društva je Elmir Zoletić iz Tuzle. Poslovni računi društva kod banaka su blokirani ili ugašeni, ne postoji mogućnost nastavka poslovanja jer društvo ne raspolaže osnovnim sredstvima odnosno imovinom. Privredno društvo ima obaveza po osnovu javnih prihoda u iznosu od 79.891,10 KM, a prema Upravi za indirektno oporezivanje u iznosu od 2.016,00 KM. Iz izjave zakonskog zastupnika pravnog subjekta „ASZ-3“ d.o.o. za trgovinu i usluge Tuzla od 09.07.2025. godine dostavljene uz prijedlog za otvaranje stečajnog postupka proizilazi da navedeni privredni subjekt nije upisan kao posjednik nekretnina u katastarskom operatu, niti kao vlasnik nekretnina u Zemljišnim knjigama (a što također proizilazi iz Uvjerjenja Službe za geodetske i imovinsko pravne poslove Grada Tuzla od 30.06.2025. godine, kao i Uvjerjenja

Zemljišnoknjižnog ureda Općinskog suda u Tuzli od 02.07.2025. godine), ali navedeni pravni subjekt ima u vlasništvu pokretnu imovinu, a da zakonskom zastupniku nije poznato gdje se navedena vozila nalaze, niti su ista upisana u poslovnim knjigama, i to vozila: teretno vozilo marke „FIAT“, broj šasije ZFA22000012367351m reg. oznake 797-T-690, teretno vozilo marke „SEAT“, broj šasije VSSZZZ9KZXR027649, reg. oznake 051-A-818, i teretno vozilo marke „RENAULT“, broj šasije VF1FC0NAF26938798 reg. oznake 508-A-528, a nad kojim vozilima egzistiraju aktivne zabrane u smislu njihovih otuđenja u evidencijama MUP TK od strane UIO - RC Tuzla, PU - Kantonalni porezni ured Tuzla.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „ASZ-3“ d.o.o. za trgovinu i usluge Tuzla, ul. Maršala Tita broj 169.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 06.02.2026. godine pozvao predlagača, povjerioce i sva zainteresovana lica da u roku od 30 dana od dana objavljivanja rješenja u službenim novinama uplate iznos od 3.500,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 13/26 dana 18.02.2026.godine, oglasnoj tabli suda dana 09.02.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.